



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

Ser. I. De verbis Esaiæ Vidi Dominum sedentem.

urn:nbn:de:hbz:466:1-39254

In Transitu S. Malachiæ Episcopi, Serm. 427

quàm speraveram sermo processit, quòd invitus avellar à paterni dulcedine nominis & Malachiam silere lingua formidans, finem facere vereatur. Mors animæ, fratres mei, peccatum est, nisi forte excidit vobis quod in Propheta legistis^m: *Anima quæ peccaverit, ipsa morietur.* Triplex proinde congratulatio est hominis ab omni peccato, & labore, & periculo liberati. Ex hoc siquidem nec peccatum in eo habitare dicitur, nec pœnitentia luctus indicitur, nec ab ullo deinceps lapsu ei prædictetur esse cavitendum. Posuit Helias pallium, non est, quod timeat: non est, quod tangit nedum teneri ab adultera vereatur. Currum condescendit: non est jam trepidare ne cadat: suaviter scandit, non laborans volatu proprio, sed celeri in vehiculo sedens. Ad hoc nos refrigerium, dilectissimi, tota animi aviditate curramus in odore unguentorum huius beati Patris nostri, qui nostrum hodie torporem in ferventissimum desiderium visus est excitasse. Curramus, inquam, post eum crebrios illi clamantes: Trahe nos post te: & affectu cordis, & profectu conversationis devotas omnipotenti misericordiæ gratias referentes, quòd indignis servulis, quibus propria defunct merita, aliena saltem voluit suffragia non deesse.

S E R M O I.

De verbis Esaiæ: Vidi Dominum sedentem super solium excelsum, & elevatum: & ea quæ sub ipso erant replebant templum. Seraphim stabant super illud: sex aë uni, & sex aë alteri. Duabus velabant faciem eius, & duabus velabant pedes eius & duabus volabant.

*Hic sermones
hoc loco ponuntur, eo quod
Prophetia E-
saia sub Kalend. Novemb.
in officio Eccl.
legi incipiat.
a Isa. 6. 2*

Vidi Dominum sedentem super solium excelsum & elevatum, & plena erat omnis terra maiestate eius^a. Sublimis quædam visio Prophetico nobis sermone describitur. Vidi, inquit, Dominum sedentem. Magnum spectaculum, fratres, & beati oculi qui viderunt. Quis non toto desiderio concupiscat tantæ maiestatis gloriam contemplari? Hoc quippe Sanctorum omnium unicum semper desiderium fuit. Ipse est enim in quem desiderant Angeli prospicere, quem videre est vita æterna. Sed aliam, fratres, audio Prophetæ eiusdem, & eiusdem Domini longè dissimilem visionem. Siquidem Esaias iste est qui in alio loco sic loquitur^b: *Vidimus eum, & non erat ei species neque decor, & estimavimus eum tanquam leprosum, &c.* Ubi illud primum considerandum est, quòd communis illa, hæc Prophetæ prærogativæ propria videatur. Non sine causa sanè ibi, *vidimus*, scriptum est: & hic, *vidi*: nisi ut illam quidem intelligas esse communem, hanc verò excellentiæ singularis. Siquidem absque specie & decore vidit eum & sprevit Herodes: viderunt quoque ipsi Judæi, qui & dinumerunt

*Visio D E I
duplex in ma-
iestate,
& humilia-
te.*

Sermones S. Bernardi,

H h h

raverunt

raverunt omnia ossa eius. Jam verò super hac visione beata manifestè Propheta denuncians ait ^d: *Tollatur impius ne videat gloriam Dei.*

^d Isai. 26. b

^e Psal. 8. a

^f Baruc. 3. d

* supra.

*Christus prius
in humilitate
videndus, an-
tequam vi-
deatur in glo-
ria.*

*Patientes mo-
do cum Chri-
sto tandem re-
gnabunt cum
ipso.*

^b Luc. 22. c
*Meditatio &
imitatio Chri-
sti patientis
commendatur.*

ⁱ Cant. 2. c

^k Esa. 6. a

Multifariè ergo multique modis non solum locutus in Prophetis, sed & visus est à Prophetis. Agnovit eum David minoratum ab Angelis ^e, Hieremias etiam vidit eum cum hominibus conversantem ^f, Etias modo super solium excelsum, modo non solum infra Angelos, aut inter homines, sed tanquam leprosum se vidisse testatur *, id non in carne tantum, sed in similitudine carnis peccati. Tu quoque si desideras videre sublimem, humilem prius JESUM videre curato. Intuere prius exaltatum in deserto serpentem, si videre desideras regem in solio residentem. Ista te humiliet visio, ut illa exalte humiliatum. Reprimat & sanet ista tu morem tuum, ut illa replete & satiet desiderium tuum. Exinanitum vi des? non sit ociosa visio, quia exaltatum ociosè videre non poteris. Similis eris illi, cum videris eum sicuti est ^g, esto & nunc similis ei videns eum sicut propter te factus est. Si enim ne in humilitate quidem similitudinem eius abnvis, certa tibi sublimitatis quoque similitudo debetur. Nunquam ille socium tribulationis à communione gloria patietur arceri. Denique usque adeo non dignatur passionis iuæ confortem & in regnum mittere secum, ut in cruce confitens Latro eadem die cum eo fuerit in paradyso. Hinc est quod ait etiam ad Apostolos: *Vos esis qui per-*

mansistis mecum in tribulationibus meis, & ego dispono vobis regnum ^h. Quia ergo si compatimur, & conregnabimus, sit interim meditatio nostra, Fratres, Christus, & hic crucifixus. Ipsum ponamus signaculum super cor, signaculum super brachium nostrum. Ipsum amplectamur brachis quibusdam vicariae dilectionis, ipsum sequamur studio pia conversationis. Hoc enim iter quo ostendatur & nobis ipse, qui est salutare D E I: sanè non jam sine specie & decore, sed in claritate tanta, ut maiestas eius re pleat orbem terrarum.

Opportunè siquidem visione prima tanquam hyemali adhuc tempore non super solium, sed in inferiori atque humiliori habitatione videatur. Duplicem quippe solet habere magna domus quælibet mansionem, æstivam superius, inferius hyemalem. Igitur dum ipsa etiam discipulorum corda brumali adhuc glacie stringerentur, & Petrus quoque non minus gelido corde quam corpore calefaceret se ad prunas, tempus omnino non erat habitandi in solio, vel potius appendi. At ubi cantabitur canticum novum ⁱ: *Hyems abiit & recessit,* flores apparuerunt in terra nostra: opportunè jam tunc ascendetur in solium: & habitabit Dominus in excelso. Puta ergo Haiam cum hæc loqueretur, illius gloriam temporis oculo prævidisse Prophetico. *Vidi (inquit ^k)*

Dominum

De Verbis Esaiæ Prophetæ, Sermo II. 429

Dominum sedentem super solium excelsum, &c. Sed quid putamus quale est solium istud, fratres? Neque enim Altissimus in manifestis & manufatis inhabitat. Nulla omnino materia corporalis apta tanto folio, tanto habitatori videtur. Vivis est construenda lapidibus fabrica spiritualis, quam vera & æterna vita sua inhabitare dignet. Quod si minùs tanto ædificio sufficit Angelica creatura, prævaricatorum utique minorata /Psal. 112. a præcipitio, suscitet certè de terra inopem, & solium gloriæ compleat¹. Et fortassis propterea ipse qui vidit, non modo excelsum solium, sed & elevatum quoque describit, ut proinde & Angelorum stabilis celsitudo, & hominum misericors elevatio designetur. Quæ sequuntur, diligentiorēm & ipsa considerationem desiderare videntur; sufficiat hodie vel cœpisse.

S E R M O II.

De Verbis Esaiæ Prophetæ.

Plena erat (ait contemplator noster de eo quem super solium viderat) ^a Isai. 6. a maiestate eius omnis terra^a. Adveniat regnum tuum, ut maiestate tua sicut cœlum repletur, repleatur & terra. Ut quidem enim princeps huius mundi tanto ubique furore debacchatur, nisi quia terra data est in manus impii? Sed & hæc est hora eius, & potestas tenebrarum. Erit certè quando qui in cœlo locum non habuerit, & ab ipsa quoque terræ superficie exturbabitur, miser cavernis utique subterraneis recludendus. Hinc quoque Propheta David sanctorum prosperitate præmissa de maligno & Angelis seu membris eius adiecit & ait^b: *Non sic impii, non sic, sed tanquam pulvis quem projicit ventus à facie terræ.* Nulla jam nunc tentandi facultas erit, inquietandi nulla libertas, possibilitas nulla nocendi. Replebitur maiestate eius omnis terra, quando jam voluntatis eius transgressio nulla erit. Magis autem quando creatura ipsa liberabitur à servitute corruptionis huius, propter quam ingemiscit & parturit usque adhuc. Erit enim cœlum novum & terra nova: ut quaqua verteris oculos, in ipsa tibi rerum facie divina videatur quodammodo resplendere maiestas.

Sed & est tibi altera quædam terra propinquior, & super hanc amplior justiorque solicitude. Nemo quippe carnem suam odio habuit^c. Consolare ergo eam, ut & ipsa requiescat in spe: audiens nimirum quia replebitur maiestate Domini omnis terra. Quomodo enim nunc carnem nostram, dilectissimi, maiestas divina replete, cum & magnus ille Paulus primitias tantum spiritus habens ingemiscat miserabiliter sat, & dicat^d: *Scio quia non est in me, hoc est in carne mea, bonum?* Et certe jam non dominabitur peccatum in eius mortali corpore. Nota H h h 2 tamen

Terra maje-
state Domini
replenda ex-
clusa ab ea Sa-
tana.
^b Psal. 1. b

^c Ephes. 5. f
Terra corporis
nostris replen-
da quoq; ma-
iestate Do-
mini.
^d Rom. 7. d